

安岳縣志卷一

天文志^上

子產曰天道遠人道邇非所及也博物君子猶難之自分野詳於諸家時序紀於月令謂天則有列宿地則有州域因以推分至辨盈虛云

古今言星土者統計天下大勢則地有五嶽天有五星實主五方故以五緯圖爲第一五方之中分爲九州州各有星北斗三台主之故圖列於次每州之中分建列國今之郡縣古之諸侯也國有分星則二十八舍主之


安岳縣志

卷一

天文^上

一

蜀居坤位地處西南故實沈及朱鳥各圖又次之然黃帝建萬國其分星之書久亡諸家各具一說未容偏廢因備載各圖之後而歷朝史志占驗尤繁不能全錄略摘數條附焉帝王世紀載一度得二千九百三十二里洛書甄曜度春秋考異郵皆云一度爲二千九百三十二里七十一步二尺七寸四分四百八十七分之三百六十二則一郡之地不足盡一度况縣乎必欲實知一邑分野則當於某星某度幾分幾秒求之此列宿經度緯度詳注於圖如左



安岳縣志

卷一

天文上

二

甘石星經曰太白主華陰山涼州雍州益州

唐僧一行大衍歷歷議曰鶉首實沈以負西海其神主於

華山太白位焉

尚書考靈曜曰太白出入當五穀熟人民昌

海中占曰太白去翼一尺太白陰也翼陽也陰來附陽秦

當朝楚

京房風角書集星章曰若星帚星若彗竹彗牆星猿星白

藿皆太白之所生也出在戊寅日有兩黃方在其旁

晉書天文志曰魏明帝太和四年十一月壬戌太白犯歲

星占曰太白犯五星有大兵五年三月諸葛亮以大衆寇天水時宣帝爲大將軍距退之

青龍二年二月己未太白犯熒惑占曰大兵起有大戰是年四月諸葛亮據渭南吳亦起兵應之魏東西奔命

沈約宋書天文志曰青龍三年五月丁亥太白晝見積三十餘日以晷度推之非秦魏則楚也是時諸葛亮據渭南司馬懿與相持孫權寇合肥又遣陸議孫韶等入淮沔帝親東征蜀本秦地則爲秦晉及楚兵悉起應占

唐逸史孫思邈曰太白酒星仙格極高每遊人間飲酒處處皆至尤樂蜀中

安岳縣志


卷一

天文 上

三

按載籍凡言州則梁邕爲二言國則秦蜀本一後俱倣此

北斗九星圖



安岳縣志

卷一

天文下

四

史記天官書曰二十八舍主十二州斗秉兼之所從來久矣

正義云辨九州之地者據北斗而言所封封域者據二十八宿而說

甘石星經曰玉衡者謂斗九星也第二星主益州常以五亥日候之乙亥為漢中丁亥為永昌己亥為巴郡蜀郡牂牁辛亥為廣漢癸亥為犍為凡七郡

春秋緯文耀鉤曰布度定紀分州繫象華岐以西龍門積

石至三危之野雍州屬魁星荆山西南至岷山北嶮

玉作海嶮

鳥鼠梁州屬開星此九州屬北斗星有七州有九但兗青徐揚并屬二州故七星主九州也

易是類謀曰斗機絕綱玉衡撥攝提亡五星合狼弧張晝視無日光太山失金雞西岳亡玉羊又曰西岳亡玉羊者狼星在未未爲羊

前漢書天文志曰北斗七星所謂璇璣玉衡以齊七政杓攜龍角衡殷南斗魁枕參首用昏建者杓杓自華以西南注孟康曰傳曰斗第七星法太自主杓斗之尾也尾爲陰又其用昏昏陰位在西方故主西南史記同

安岳縣志

卷一

天文^上

五

隋書天文志曰魁第一星曰天樞又曰一主秦


淮南子天文訓曰北斗之神有雌雄十一月始建於子月從一辰雄左行雌右行五月合午謀刑十一月合子謀德又曰甲戌燕也乙酉齊也丁巳楚也庚申秦也

史記天官書曰庚辛華山以西

前漢天文志曰庚秦辛西夷又曰巳衛午秦

按隋志則蜀主北斗第一星星經則蜀主第二星文耀鉤則蜀主第六星史漢則蜀主第七星矣故漢延熹四年袁逢華山碑有資糧品物亦相瑤光崇冠二州古曰

雍梁之語也



論語摘輔象曰梁邕屬中上注九州繫於三台梁邕屬中台上

春秋元命苞曰三能主開德宣符故六星又為六符中能

安岳縣志


卷一

天文上

六

上星主梁邕下星主冀州星非其故以貞其邦
黃帝占曰三能大閒中相去十有六度為平過為大不及
為隕小閒中相去半度為平過為奢不及為迫

實 沈 圖



春秋元命苞曰觜參流爲益州益之言隘也謂物類竝決其氣急切決列也

甘德星經曰參爲忠良孝謹之星明大則臣忠子孝安則吉

史記天官書曰觜螭參益州前漢書天文志同

華陽國志巴志曰仰稟參伐俯壤華陽黑水江漢爲梁州晉書天文志曰觜參魏益州廣漢入觜一度越巂入觜三度蜀郡入參一度犍爲入參三度牂牁入參五度巴郡入參八度漢中入參九度益州入參七度

安岳縣志

卷一

天文^上

七

按洪氏隨筆云晉志分野甚不可曉謂魏屬益州且魏分晉地得河內河東數十縣於益州亦不相干謬亂如此而出於李淳風之手豈非蔽於天而不知地乎查參爲晉星原本左氏鄭司農周禮春官注曾引之觜參益州出於春秋緯班馬史漢沈約宋書皆同又玉海曰州郡纏次陳卓范蠡鬼谷先生張良諸葛亮譙周京房張衡竝云觜參魏益則晉志固非臆說未可厚非也惟魏太史令陳卓謂實沈起畢十二度費直說周易謂起畢九蔡邕月令章句謂起畢六緯度互古無異議經度頗

有先後耳

黃帝占曰客星入觜西戎侵邊軍馬急行

宋書天文志曰晉哀帝興寧三年正月乙卯月奄歲星在參參益州分也六月鎮西將軍益州刺史周撫薨十月梁州刺史司馬勳入益州以叛朱序率衆助刺史周楚討平之

晉孝武太元七年十一月太白晝見在斗占曰吳有兵喪八年四月甲子太白又晝見在參占曰魏有兵喪是月桓沖征沔漢楊亮伐蜀竝拔城略地

安岳縣志

卷一

天文^上

八

晉安帝義熙三年五月己丑太白晝見在參占曰益州有兵喪臣彊八月劉敬宣伐蜀不克六年十一月癸丑益州刺史鮑陋卒於白帝譙道福攻沒其衆七年四月到彥之攻譙道福於白帝拔之


義熙七年七月丁卯歲星在參占曰歲填合爲內亂一曰益州戰不勝亡地八月乙未月犯歲星在參占曰益州兵飢八年十二月遣益州刺史朱齡石伐蜀九年七月朱齡石滅蜀蜀民尋又反又討滅之

魏收魏書天文志曰世宗延昌二年十月丙申月在參蝕

盡占曰軍起三年十一月詔司徒高肇爲大將軍率步騎十五萬伐蜀

彭遵泗蜀碧曰明懷宗庚辰歲冬十月參足突入玉井占曰虎狼暴害其時張獻忠方蹂躪四川蓋其應也

按星占諸書俱云參左足入玉井兵大起出虎狼暴害茲以入爲出占者小誤



積尸氣

輿鬼四星凡二度距西南星去極六十九度半赤道二度二十分黃道二度二十一分其下四尺爲七曜中道

河圖括地象曰岷山之地上爲東井絡帝以會昌神以建福上爲天井星

又曰井絡纏曜江漢昞靈泉流深遠盛爲四瀆之首

星經曰秦地於天官東井輿鬼之分野其界自宏農故關以西南有巴蜀廣漢犍爲武都又西有牂牁越巂益州

郭璞山海經贊曰岷山之精上絡東井始出一勺終致淼溟作紀南夏天清地靜

華陽國志蜀志曰地稱天府原曰華陽故其精靈則井絡垂耀江漢遵流

安岳縣志

卷一

天文上

十

又曰其卦值坤故多斑綵文章其辰值未故尙滋味德在少昊故好辛香星應輿鬼故君子精敏小人鬼黠與秦同分故多悍勇

皇甫謐帝王世紀曰自井十六度至柳八度曰鶉首之次於辰在未謂之叶洽於律爲蕤賓斗建在午今秦分野又曰漢高帝元年始爲漢王都南鄭屬漢中秦厲公所置在禹貢梁州之域北達邕南跨巴蜀與秦同分

唐僧一行大衍歷議曰東井據百川上流故鶉首爲秦蜀墟得兩戒山河之首

宋書天文志曰魏明帝正始四年十月十一月月再犯井
鉞五年三月曹爽征蜀

魏齊王嘉平五年七月月犯井鉞正元元年二月蜀將姜
維攻隴西車騎將軍郭淮討破之

晉穆帝永和元年五月辛巳太白晝見在東井占曰爲臣
彊秦有兵明年桓溫輒率衆伐蜀執李勢送至京都蜀本
秦地也

晉安帝義熙五年四月甲戌熒惑犯辰星在東井六年七
月己亥月犯輿鬼占曰國有憂一曰秦有兵七年四月辛

安岳縣志

卷一


天文上

十一

丑熒惑入輿鬼占曰秦有兵一曰雍州有災八年七月甲
申太白犯填星在東井十月丁丑填星犯東井十二月癸
卯填星犯井鉞十二月遣益州刺史朱齡石伐蜀九年七
月朱齡石滅蜀


宋文帝元嘉八年四月辛未太白晝見在胃五月犯天關
東井六月庚子熒惑入東井十月丙辰金土相犯在須女
月奄天關東井十二月月犯房鉤鈐十年仇池氏寇漢中
梁州失戍

鶉




柳八星凡十三度距西第三星去極八十二度半赤道十三度三十分自四度二十六分八秒入午黃道十三度自三度八十六分八十秒入午其上五尺為七曜中道

火



星七星凡七度距大星去極九十六度赤道六度三十分黃道六度三十一分其上十五尺為七曜中道

圖



張六星凡十七度距西第二星去極一百二度半赤道十七度二十五分自十四度八十分自十五度二十六分六秒入巳其上十八尺為七曜中道

安岳縣志

卷一

天文上

十二

李淳風乙巳占曰荆山為東井內方為鬼大別為柳岷山為星


按經義考云此述洛書

帝王世紀曰自柳九度至張十七度曰鶉火之次於辰在午謂之敦牂一名大律於律為林鐘斗建在未

鶉

尾

圖



○翼二十二星凡十八度七十
五分距中央西第二星去
極一百四度赤道十八度
七十五分黃道二十度九
分

○右轄一星去極一百一十
度半入翼十度

○軫四星凡十七度距西北去極一百零三
度半赤道十七度三十分自九度二十
七分八十三秒入辰黃道十八度七十
五分自十度七分九十七秒入辰右星
北上十三尺為七曜中道

○長沙子一星去
極一百零一
度半入軫五
度

○左轄一星去極一百零二度入翼二度

安岳縣志

卷一

天文上

十三

後漢書天文志曰建武十年三月癸卯流星如月從太微
出入北斗魁第六星色白芴有小星射者十餘枚滅則有
聲如雷食頃止流星為貴使星大者使大星小者使小太
微天子庭北斗魁主殺星從太微出抵北斗魁是天子大
使將出有所伐殺十二月己亥大流星如缶出柳西南行
入軫且滅時分為十餘如遺火狀須臾有聲隱隱如雷柳
為周軫為秦蜀大流星出柳入軫者是大使從周入蜀是
時光武帝使大司馬吳漢發南陽卒三萬人乘船泝江而
上擊蜀白帝公孫述又命將軍馬武劉尙郭霸岑彭馮駿

平武都巴郡十二年十月漢進兵擊述從弟衛尉永遂至廣都殺述女壻史興威虜將軍馮駿拔江州斬述將田戎吳漢又擊述大司馬謝豐斬首五千餘級臧宮破涪殺述弟大司空恢十一月丁丑漢護軍將軍高午刺述洞胸其夜死明日漢入屠蜀城誅述大將公孫晃延岑等所殺數萬人夷滅述妻宗族萬餘人以上是大將伐殺之應也其小星射者及如遺火分爲十餘皆小將隨從之象有聲如雷隱隱者兵將怒之徵也

玉海曰唐地理志山南道古梁荆二州之域爲鶉尾鶉火

安岳縣志

卷一

天文^上

十四

鶉首分隴右道古雍梁境爲鶉首分劍南道古梁州域州三十八總爲鶉首分

廣輿記云成都龍安保寧重慶敘州遵義潼川嘉定瀘邛眉雅各府州及烏蒙烏撒鎮雄軍民府皆禹貢梁州之域天文井鬼分野順慶府天文參井分野夔州府禹貢荆梁二州之域天文軫翼分野馬湖府天文鬼分野東川軍民府天文參分野

按以上諸書既說各不同舊志天文復寥寥數語浮淺不堪無可依據今查歷代史志及顧祖禹讀史方輿紀

要云安岳本漢資中牛鞞墊江三縣地是居犍爲巴郡之交以古法推之則縣治分野於五緯屬太白於北斗屬天璇於三台屬中上於列宿屬參三度於日屬庚於辰屬申謂之涪灘於律爲中呂斗建在巳也朱子易傳班固曰陰陽之精其本在地張衡曰地有山嶽精鍾爲星蓋星辰者地之精氣上發乎天而有光耀者也然則分州劃縣陵谷變遷以及制度官階人物今昔不同天象自應爲之一變故星之古有今亡古多今少古無而今新生者甚夥步天詞儀象志可覆按矣且天運宿度

分於黃道黃道遷於歲差此昔人分野有三才交變不可泥於一定之論茲故彙次諸說以俟夫神而明之者然揚子五百篇曰史以天占人聖人以人占天又曰在德不在星德隆則晷星星隆則晷德知言哉